

ORATIO IN FVNERE

ADMODVM REVERENDI, AC EXIMII PATRIS,

P. F. CHRISTIANI LVPI
I P R E N S I S

In Alma Louanienſi Vniuerſitate Sacræ Theologiæ Doctōris,
ac Profeſſoris Primarij, & Regij, Eremitarum,
S. Auguſtini nuper Prioris Prouincialis,

H A B I T A

A F. FRANCISCO FARVACQVES INSVLENSI,

Ordinis Eremitarum S. Auguſtini, Sacræ Theologiæ Doctore
Louanienſi, & in Ducali Abbatia D. Gertrudis
Profeſſore.

LOVANII, die 12. Iulij 1681.



LOVANII,

Et denuò Romæ, Ex Typographia Pauli Monetz. 1681.

Superiorum permiſſu.

Imprimatur, si Videbitur Reuerendiss. P. Mag. Sac. Pal. Apost.
I. de Angelis Archiep. Vrbin. Vicefg.

Imprimatur.

Fr. Raymundus Capisuccus Sac. Pal. Apostolici Megister
Ordinis Prædicatorum.



ORATIO.



Achel dum peperit Patriarcham Benjamin, Lupum illum rapacem de quo Genes. 49. *Beniamin Lupus rapax manē comedet pradam, & vespere diuidet spolia*: nomen eius vocauit BENONI, id est *Filius doloris mei*.

Sacra nostra Religio Augustiniana, MAGNIFICE DOMINE, &c. Dum hodie Deo, cœloque parturit, & transmittit dilectum suum Benjamin, Lupum rapacem, sed animorum, sed cordium, sed affectuum, qui manē & exordio vitæ suæ sibi comedit prædam optatissimam insatiabili, & rapacissimo sanctorum doctrinæ & virtutum studio: & vespere diuisit spolia longo usu doctrinæ & virtutum meritis comparata. meritò, licet non ex eadem profusus causa, gemens exclamat, & vocat nomen filij sui BENONI, id est, *Filius doloris mei*.

Verè, Vir Ex. CHRISTIANE, filius doloris es Matri tuæ Religioni Augustinianæ. Doler illa tristis & gemens, quod Te à nobis abeunte orbata sit dilecto suo Benjamin, Viro amantissimo, filio dexteræ suæ, ornamento & Diademate gloriæ suæ pretiosissimo, lumine oculorum suorum, Augustinianæ doctrinæ incomparabili thesauro, viuo Religiosæ obseruantie & pietatis exemplo, superiorum in regimine speculo, gaudio suo & corona exultationis suæ.

Quamquam non soli Religioni Augustinianæ, sed & huic Academiz Matri tuæ filius doloris es VIR EXIMIE: Matrem tuam splendore, sapientiæ tuæ illustrasti, virtutum tuarum odore suauissimo imbuisti, consilio, opera, auxilio, autoritate adiuuisti, & sartam tectamque, quantum in Te fuit, conseruasti.

At quid de Religione Augustiniana? quid de Academia loquor? illi ipsi, quæ mater est fidelium, Ecclesiæ, filius es doloris. Doler illa vehementer præmaturè creptum sibi generosum pugilem, Virum bellatorem ab Adolescencia suâ, LVPVM qui præliabatur bella Domini, qui apprehendebat arma & scutū antiquitatis, vt eneruaret tela & molimina nouitatis. Qui à verbis impiorum non timuit, quia fundatus erat supra firmam Matris suæ Ecclesiæ Petram. Luger illa, necore conficitur & tantum non inuidet Ecclesiæ triumphanti, se militantem, destitui fausto

illo sydere, cuius radijs & splendore collustrata, infernalium hæreseon tenebras frequenter dispulerat, erroresque dissipauerat.

Proinde, Auditores, finite plangam hodie dolorem mentis, dolorem Religionis nostræ, dolorem huius Academicæ, dolorem communis omnium nostrum Matris Ecclesiæ. Sinite, ut tanti Viri memoriam sacrificio laudis honorificem, & ex innumeris, quæ hic dici possent pauca seligam, unde possitis ex vngue Christianum LVPVM dignoscere. Interim sermonem meum mœoris mole iacentem & prostratum, attentionis, & benevolentix vestræ studio, recreate & subleuate.

Natus est hic LVPVS noster rapax Anno salutis 1612. die 12. Iunii in Ciuitate Iprensi, ex qua oriundum fuisse magnum Ecclesiæ Doctorem, Hugonem a S. Viçiore non ita pridem in Scholis nostris Theologicis ab ipso defuncto nostro didicimus. In sacro Baptismatis fonte adeptus est CHRISTIANI nomen; nomen utique non inane, nec vacuum vel titulû sine re in eo, qui totius vitæ suæ decursu, opere & veritate verum Christianum se probauit. Legerat illud Augustini: *Quam multi vocantur Medici, qui curare non norunt? quam multi vocantur Vigiles, qui tota nocte dormiunt? sic multi vocantur Christiani, & in rebus non inueniuntur: quia hec quod ceantur, non sunt, id est, in vita, in moribus, in fide, in spe in charitate.* Alium profectò sese exhibuit Christianus noster: non in nomine tantum, sed etiam in rebus ipsis inuentus est Christianus; in vita, in moribus, in fide, in spe, in charitate, quodque subsequencia planum facient, in omnibus & vbique Christianus.

Infantiæ annos egressus literis humanioribus in Ciuitate natali imbutus est. Rhetorices præceptorem habuit R. P. *Godfridum Henschenium* R. P. *Ioannis Bollandi* in colligendis, ac digerendis Actis Sanctorum successorem: qui de tali, tantoque discipulo plurimum sibi gloriatur.

Mox autem, ut cœpit animum studijs liberalioribus excolere, apparuit *Adolescentulus*, non in mentis tantum, sed & memoriæ, sed & iudicij, ardorisque studendi excessu. Apparuit Lupus rapax, Lupus vorax non pecorum, sed Librorum in memoriæ ventrem profundè recondens, quid-quid vel legeret, vel à Præceptoribus audiret, quibus, accedente indefesso labore, condiscipulos suos longo intervallo semper suprauit.

Porro vis memoriæ in eo tam tenaciter hæsit, ut propter eam Romæ passim vocaretur *Bibliotheca ambulans*.

Verùm alius mentis excessus manebat Adolescentulum nostrum. Annos 15. natus in mentis terrena hæc omnia supereminens excessu, huius sæculi inanem strepitum & splendorem exosus, solitudinem sibi colendam proposuit, & Augustinianam Eremitum, in qua procul à curis huius mundi per trium votorum obseruantiam securè delitesceret, sibi in Sponsam delegit. O! felix animi! O! felix mentis excessus! O! verè intelligere, verè sapere, te à vanitatis commercio subducere, ut possis tibi Deoque tuo viuere, portans iugum Domini ab Adolescentia tua.

Et

Et verò feliciter portauit Adolescentulus noster. Missus enim de more ad annuę probationis trutinam, in animum suum tam alta iecit religionis perfectionis, virtutumque omnium fundamenta, vt nunquam postea concuti potuerint, imò verò in sublimem spiritalis templi altitudinem, prout postea patuit, exurrexerint.

Philosophiæ & Theologiæ tam præclaram operam impendit, vt absoluto studio, præter morem, mox Philosophiæ in Conuentu nostro Coloniensi tradendæ admoueretur. Adolescentulus quidem, sed Lupus, sed rapax, sed vorax laboris, & doctrinæ.

Istic incepit percurrere Philosophiæ dumeta & vepreta. Tantam verò, quâ præsidendo, quâ oppugnando sibi famam comparauit, vt Alexander VII. tum temporis ad traciū Rheni Apostolicus Nuntius, & à Latere Legatus, tanti Viri eruditione, & argumentorum subtilitate permotus, cum amicitia sua dignatus fuerit, quam etiam conseruauit Pontifex. Anno enim 1653. Defunctus noster Romam profectus, ab eodem Alexandrò VII. haud immemore eorum, quæ Colonia viderat, sine mora, afflatum Apostolicum obtinuit: semperque obtinebat, quoties aut necessitas, aut publica vtilitas id requirebat.

Istic Colonia composuit Prodidagmata Philosophica, & Apologiam pro anima. Qui aduersus Marpurgensem in Hassia Vniuersitatem, quæ non erubuit, licet infelici conatu, quanta quanta erat opponere se Adolescentulo nostro. Cæterum, vtrumque hoc opusculum iuuenile, senior iam factus, pro suo vixdum voluit agnoscere.

Ordo Patrum Augustinianorum obseruans tantum Adolescentuli nostri in studijs profectum, noluit eum inter vepreta philosophica consensescere, verum accersiuu Louaninm ad primariam Ordinis sui Theologicam Cathedram. Hic verò Lupus noster rapax per vastā Sac. Scripturæ, Conciliorum, & Sanctorum Patrum nemora venari, prædam rapere, comedere, non segni, nec tardo, sed rapacissimo molimine. Hic verè Lupum agere, hic, quidquid vltquam in Historijs, non tantum Ecclesiasticis, verum etiam prophanis reperiri poterat, quod ad sacratioris doctrinæ intelligendum conferret, rapere & in ventrem tenacissimæ memorię conferre. Hic dies noctesque insomnes ducere, & studijs impendere. Hic nulli labori parere, non otium modò, sed colloquium omne, conuersationem omnem auersari: instar Lupi in cellulæ suæ antro perpetuum delitescere, sacræ antiquitatis monumenta serutari, chartis impallefcere, solitus tum temporis, & per insequentes annos, dum per occupationes licuit, quotidie quindæcim horarum spatium sacræ huic vocationi & exercitijs impendere. Quo factum est, vt mira Disputationū, & responsionum soliditate Licentiæ gradum protinus consecutus fuerit.

Omnia verò Duaci eius operam Theologica desiderabant studia, cōmuni est, vbi toti Academix acceptissimus, non tantum Religiosis vtilem, sed & sæcularibus gratissimam nouauit operam, omnibus Augu-

gustianis, veræque doctrinæ studium & amorem commendans, & instillans. Isthic composuit, & in lucem edidit libellum doctissimum de origine Eremitarum S. Patris Augustini. Iactis Duaci purioris Theologiæ fundamentis, quæ etiamnum apud Nostros permanent, ad priorem Spartham Louanium reuertitur, ac paulo post Theses Doctorales tuetur, & omnium applausu, Primarijs Belgij Viris ac Prælati liberalitate sua cooperantibus, Doctoralem Lauream gloriose adipiscitur.

Quia verò tantæ doctrinæ, & virtuti Louaniū nimis angustū erat theatrum, Anno 1655. felicissimo consilio Romam proficiscitur, vbi statim totius Curie Romanæ fauorem & amorem sibi conciliauit, non modò Pontifici, sed & Eminentissimis Viris, primariisque Ecclesiæ Ministris, ob singularem doctrinam, animique candorem acceptissimus.

Vnde factum est, vt ægrè Roma dimissus Anno 1660. Louanium reuerteretur, secum conferens à se obtentum diploma Pontificium. In quo præclarissimorum Ecclesiæ Catholicæ Doctorum SS. Augustini, & Thomæ Aquinatis inconcussa, tutissimaque Dogmata plurimum commendantur. Quæ res cum huic Academiæ, tum etiam Religioni nostræ, Patrumque Dominicanorum Ordini fuit longè gratissima.

Contulit etiam secum amplissimam nomine Reuerendissimi P. Generalis potestatem præsidendi Capitulo Bruxellis tum habito. Quo Præsidis officio nomine Reuerendissimi Patris bis functus est, bis etiam Diffinitor, studijque etiam Louaniensis Regens vigilantissimus: tandem ad Provinciæ clauum & regimen omnium suffragantium votis admotus est, licet admodū inuitus, & reluctans. Quo in munere Christianum se Pastorem semper exhibuit, omnibus omnia factus, prodesse non præesse cupiens, quærens non quæ sua sunt, sed quæ IESV CHRISTI.

Porro Roma redux Lupus noster cœpit diuidere spolia, quæ infatigabili labore vndique conquisserat. Nimirum publico dedit quinque illos tomos Scholiorum omni eruditione refertos, in Decreta & Canones Conciliorum. In quibus Methodo, quod sciam, hætenus intentata, cœpit primus Decreta, & Canones Ecclesiæ, Scholijs, & cōmentarijs illustrare, sicut Origenes illustrasse fertur Scripturam. Adeo autem festiue cessit ei conatus, vt, iuxta datas à Gallia literas, dubitetur, an hoc sæculo, licet doctissimo, aliquid prodierit huic operi par, aut secundum.

Tomum primum consecrauit Alexandro VII. alterum Flavio Chisio eiusdem Pontificis Emin. Cardinali Nepoti. Qui pro tali munere datis & extantibus apud nos literis singularem Defuncto egit gratias. Quod ipsum fecit Eminen. Iacobus Rospigliosus Clementis IX. Cardinalis etiam Nepos, cui tomum quartum nuncupauerat. Quid autem insuper illis Scholijs in Concilia sentiendum sit, declarant Eminen. ac Doctissimi Cardinalis Brancatii Literæ ad Defunctum datæ 4. Febr. Anno 1674. En verba: *Synodorum Scholia à Paternitate Vestra in tribus tomis nuper exarata maxima mei delectatione à Reuerendissimo Domino Airoldo sum affectu-*
tus.

Ans. Et certe laborem, summam eruditionem, æconomiamque rerum sum admiratus: mille Chypei pendent ex ijs, quibus Sedes Apostolica, eiusque auctoritas constabilita, Patrumque testimonijs & historia Ecclesiastica communiter conspicitur. Vnde infinitas Tibi referam gratias semper, meque totam Paternitati tuæ trado in omnibus obsecuturus.

Aliorum Eminentissimorum Dominorum literę nobis in promptu sunt, quę paria dabunt de tomis præfatis elogia. Sicut etiam de Scholijs in Librum Tertulliani de præscriptionibus Eminen. Cardinali Domino Palutio de Alterijs nuncupatum. Opus verò postremum de Privilegio Sancti Petri circa Appellationes Romanas Innocentio XI. (quem Deus benignè nobis conferuet,) nuncupatum, ab Authore cum vita completum, quemadmodum ab Ecclesię Romanę Principibus Viris, summa auiditate fuit expectatum, ita non minori lætitia indubitanter fuerit susceptum.

Vidimus hæcenus Lupi nostri rapacitatem in conquirendis, & diuidendis spolijs doctrinæ. Est & alia haud ignobilior Lupi rapacitas, quę iuxta Ambrosium sub finem libri 5. in Lucam non est *furtiva sublatio, sed triumphalis direptio*. De qua apud S. Mattheum cap. 11. *Regnum Cælorum vim patitur, & violenti rapiunt illud*. Quem locum fusè explicans idem Ambrosius Sermone 15. de Natali Domini, *Scriptum est enim, inquit, de Patriarcha nostro Benjamin: Lupus rapax*. Beata rapacitas, quę cælum rapit! *Beata Violentia, inquit ibidem Ambrosius, quæ non indignatione percutitur, sed misericordia condonatur! Beata, inquam, violentia, quæ vim patienti bonitatem elicit, & tribuit utilitatem inferentis* Et prosequitur: *aggredimur ergo in itinere Dominum, siquidem ipse est via, & more Latronum (seu Luporum) suis eum spoliare nitimur, cupimus illi auferre regnum, thesauros, & vitam, sed ille tam dives, & largus est, ut non abnuat, non resistat, & cum omnia dederit, nihilominus omnia ipse possideat. Aggredimur, inquam, illum non ferro, non fuste, non saxo, sed humilitate, mansuetudine, bonis operibus, castitate*. Hæc Ambrosius.

Age videamus in Lupo nostro sanctam hæc, & beatam rapacitatem, quæ cælorum regnum violentè rapuit. Ambrosio teste rapitur hæc præda humilitate, mansuetudine. O igitur Te regni Cælorum LVPE, rapacissimum. Quæ enim humilitas humilitati tuæ, quæ mansuetudo mansuetudini tuæ, non dico conquari, sed comparari possit? fuit Tibi habitus vilis, Cella vnica longitudinis sex & viginti, & latitudinis sexdecim pedum, non alio, quàm Librorum, mensę, & Crucifixi, cum Benedictę ipsius Matris Imaginæ, ornamento decorata. Cibus Tibi obuius, & communis, sermo omnibus, etiam infimis quibusque blandus, & familiaris, gressus incultus, & perfectum Religiosi Viri specimen exhibens.

Non magnum est, inquit Bernardus, esse humilem, in abiectiōe: magna, & rara virtus est humilitas honorata. Magna igitur, & rara virtus est humilitas Lupi nostri, qui cum ab omnibus hoqoraretur, etiam ab Eminen-

mentissimis Cardinalibus, imò Pontificibus, nihilominus intra modestæ Religiosæ limites semper se continuit.

Oblatæ sunt ipsi primariæ totius Ordinis dignitates, at recusavit. Oblata est Sacrarij Pontificij Præfectura cum Episcopatu annexo, renuit, contempsit, satius ducens in humili saluari, quàm in sublimi dignitatum periclitari.

Prodigiosum est, & omnis humilitatis caput & summarium, quod dicturus sum. Nimirum Vir talis, ac tantus Morti proximus instantissimè petijt extra Ecclesiam hanc sepeliri, & in claustro hic vicino cum Fratribus Laicis ossa sua collocari. Quis huic humilitatem vidit, quis audiuit similem?

Constat autem non subitaneo, nec extemporaneo consilio id factum, nam in Abaco Defuncti reperta est schedula eandem petitionem continens, Defuncti nostri manu propria diu ante conscripta, & signata. Quamquam autem, & verbo, & scripto vilem illum sepulturæ locum enixè postulasset, coactus nihilominus est, quamvis cum summo cordolij testimonio, acquiescere superioribus volentibus eum, qui se ita humiliauerat exaltari, & in Chori medio collocari.

De cæteris verò virtutibus eius, quibus sancta rapacitate cælum raptuit, quid dicam, imò verò quid non dicam? Castissimam, & ab omni spurcitie remotam vitam duxit, socio sibi familiarissimo quandoque, candidè professus: *saluam ego semper seruavi castitatem*. Temperantissimus fuit in cibo & potu, ut de ipso quandoque ex vero dictum fuerit, quod apud Cemicum legitur: *prandet obolo*. Officij diuini cultor fuit singularis, verificans, quod de Bernardo scribitur: *in Ecclesiam matutinis aliisque Conuentibus primus ingreditur, ultimus inde discedit*. Neque inuiniæ occupationes eum a pietatis studio vnquam auertere, potuerunt. Fecit quod de Venerabili Beda, in præfatione eius Operibus præfixa legitur: *Tria verò huic sancto Viro fuerunt per totam vitam familiaria, orare, scribere, docere*. Primum orabat, deinde soli scriptio, & doctrinæ operam dabat.

Fuit etiam singularis cultor Deiparæ Virginis, quod quidem Lectori planum est ex eius scriptis, & præcipuè Notis in S. Leonis Nom Concilium Moguntinum, vbi curiosissimè, & exactissimè coacervat, quidquid ex antiquitatis Ecclesiasticæ monumentis profesto Conceptionis beatæ Mariæ Virginis deprimi potest.

Cæteras autem eius virtutes, quis fando commemorare, vel pro meritis celebrare possit? sanè præscripti mihi temporis angustia, ut impendendam gratissimum illud dicendi officium, non sinuat. Non possum tamen eam, quæ omnes complectitur virtutes, charitatem prætermittere. Fuit defunctus noster charitatis Doctor eximius: restantur ea, quæ charitatis promouendæ zelo de charitate scripsit opuscula. At verò non tantus fuit Charitatis, Doctor, quantus & Cultor. Postremæ suæ infirmitatis

mitatis tempore identidem inclamavit, *cupio dissolui, & esse cum Christo*. Sed & antea totius vite sue rationem ad Charitatem velut ad Cynosuram direxit. Provincialatus tempore, totum quantum erat regimen, charitatem spirabat, & ad charitatem ducebat. Charitas erat illi Alpha & Omega, principium, & finis. Omne eius consilium, monitio, correctio, præceptum, visitatio, charitas erat, a charitate oriebatur, & ad charitatem reuertebatur. Scopus illi meta vna fuit semper charitas.

Ex eodem charitatis fonte fluebat, indefessa illa sollicitudo, quæ puerorum, & Adolescentum Sacramentalem Confessionem audiebat, neglectis etiam summi momenti negotiis. Quo in Charitatis officio tantum profuit, ut oppidatim, & pagatim innumeros reperias, præcipue Ecclesiasticos, qui eius instructionibus edocti, fructum referant centuplum, in tempore suo.

Quæ cum ita sint, & Lupus noster rapax non tantum doctrinæ, sed & virtutum spolia sibi conquirit; miramur, quod sibi etiam spolia conquirit gratiæ, non tantum apud Deum, sed & homines, dilectus Deo & hominibus? Miramur, quod Plebeliorum, Civium, Nobilium, Magnatum, Ecclesiasticorum, Illustrissimorum, ac Eminentissimorum, imò Sanctissimorum Dominorum animos, corda, affectus, desideria suavi quadam rapacitate ad se rapuerit? Imò verò magna me teneret admiratio nisi res ita contigisset. Fieri enim non potuit, ut tam illustres doctrinæ, virtutumque dotes, non amarentur. Habent illæ amoris illecebras inexcusabiles.

Hinc factum est, quod ab hac sacra Facultate Romam ob fines novos Deputatus, Moderno Pontifici gratissimus adveniret, & negotium propositum autoritate sua plurimum promoverit.

Hinc factum est, quod idem Sanctissimus Dominus miserit intimum, suum Secretarium, qui Christianum nostrum tum temporis infirmum, nomine suo inuideret, & solaretur, quodque etiam tres Eminentissimi ac purpurati Ecclesiæ Principes personale cum visitandi munus tum temporis obierint.

Hinc etiam factum est, quod ægrè admodum, & quadam velut amica violentia, tandem ad suum gregem redeundi, facultatem obtinuerit.

Hinc factum est, ut in eodem discessu a Sacro Collegio de Propaganda fide dono gratuito acceperit Libros pretio recentiorum, aut circiter Recentiorum.

Hinc factum est, ut Clemens IX. Apostolici Sacrarj Præfecturam, cum annexo Episcopatu eidem spontè obtulerit.

Hinc factum est, quod Eminentissimi Cardinales, & etiam Supremi Ecclesiæ Ministri, quamplurimas ad eum dederint literas merum amoris, & benevolentiae nectar spirantes. Centenas his manibus tetigi, his oculis vidi, Inter quas Emin. cuiuspiam manuscripta hæc verba reperiuntur: *Tamquam amicus ad amicum scribo.*

Hinc

Hinc factum est, vt Regia Succiz eum accerferet, quò conferentiz à se institui solitz, interesset.

Hinc factum est, quod Sac. Collegium de Propaganda Fide voluerit, vt interesset congregationi quindena quavis fieri consuetz; in qua etiam coram tribus Cardinalibus Defunctus noster orationem habuit non semel doctissimam.

Hinc factum est, quod magnus Hetruriz Dux defuncto spontè obtulerit Lectionem Theologicam, amplissimo etiam stipendio dotatam, cum viatico pro transmittendis Libris plusquam sufficientissimo.

Hinc factum est, quod Primarij Curiz Bruxellenis Viris Amplissimis D.D. *Roose, Stokmans*, alijsq; merito nominadis, gratissimus semper fuerit. Imò ipsi suz Celitudini, à qua Regiz Lectionis beneficio donatus est.

Hinc denique factum est, vt verbo finiam, quod fuerit Urbis, & Orbis delictum, omnium amor factus.

Omnium, inquam, corda, omnium affectus rapuit Christianus noster: creditisne non rapuisse regnum Caelorum, ad quod tam ardentè anhelabat? Imò verò rapuit, faustam prædam comedit, felicia æternæ beatitudinis, destructa corruptione mortis huius diuisit spolia. Rapuit regnum cælorum, non ferro, non fuste, non saxo, sed humilitate, sed mansuetudine, sed castitate, quam ad regni cælorum triumphalem direptionem requisivit Ambrosius. Et quidni rapuisset, quando perfectam illam habuit Charitatem, quam ex Augustini sententia remissioni peccatorum, statâ lege coniunctam esse constat? Nimirum habuit charitatem illam, qua fit, vt homo *patienter vivat, & delectabiliter moriatur*. Patienter vixisse testes sunt, quotquot ægrotanti adfuerunt. Viderunt hominem, qui, vt de S. Basilio legitur, *tantum spiritum vivens præter ossa, & pellem nulla præterea corporis parte constare videbatur*, nihilominus inexplacabiles ab Igæro, Hydrope, calculo, alijsque morbis dolores inuictissima patientia tolerantem: animo prorsus immoto. Nullum hic verbum querulum, nulla aduersus Deum mormuratio audita. Sed & *delectabiliter moriebatur*. Perpetuò enim audiebantur hæ voces: *Laus Deo: vis, nam sponsus hac nocte veniat, cupio dissolui, & esse cum Christo*. Vnde etiam spontè sua, & citra Medici monitum multis diebus ante mortem, sibi administrari voluit Sacrum Viaticum, & Extremæ Vnctionis Sacramentum. Cum R. adm. *P. Marcus ab Auiaro* Capucinus ad eum accessisset; manus impositione eum dignaturus, mox protectatus est; haud dignum se esse, cuius causa patrarentur miracula, se miserum peccatorem nihil aliud in votis habere, quam eius benedictione spiritum suum transmitti in manus Domini IESV. Ipso mortis cheu! funello die monitus à Medico his verbis: *Instas tempus ad quod ita anhelasti, Dominus propè est*. Alacriter respondit: *Laus Deo in æternum*. Postmodum cum interrogasset quantum temporis vitæ sibi superesset: Medicus respondit, *ultra duo, decimum meridiam non esse superuiuentum*. Iterum subiunxit, *Laus Deo*

Deo, petijtque aduocari R.adm. P.Priorem, & legi solitas preces Ecclesie. Quibus de more perlectis petijt se sibi soli relinqui, vt vacaret meditandis Sacris Scripturis. Quod & illi concessum est. Hora vndecima interrogauit quota esset hora, & accepto responso, iterum dixit, *Laus Deo*. Ad medium duodecimæ, *Iam*, inquit, *Mors instat, sentio enim in capite, & manibus sudorem frigidum*. hora duodecima cum daretur solitum signum pro recitanda Salutatione Angelica, quæ tum lecta fuit, ad singula respondit *Amen*. Post spatium autem subsequens vnus, alteriusue *Miserere*, extinctus est morte iustorum, qui vixerat vita iustorum, & vt omnino confidimus, recepit mercedem iustorum.

Porro circa eius mortem, obseruo, quod sicut Moyfi morienti non sunt moti dentes, sic nec Defuncto nostro, quod iuxta Ghislerium significat immotam doctrinæ constantiam. Scilicet Defunctus noster immotè constitit in ijs, quas tradidit dogmaticis sententijs. Ne morienti quidem moti sunt doctrinæ dentes. Rem ita se habere, sacrum, quod hic iacet cadauer, si loqui posset, etiamnum affirmaret. Veritas tamen ne sibi de charitate scribenti, aliquod verbum, vel epithetum à charitate alienum calamo, vel ore quandoque excidisset, priusquam moreretur, petijt illud, qualecumque delictum condonari, & ab ijs, quos fortè læserat, veniam postulari. Adeo Christianè Christianus noster obiit.

Hic sermonem absoluerem, nisi erga defunctam Preceptorem quondam meum pietas, me pro eo vicaria legatione apud Deum fungi preciperet. Ad te itaque conuertor Clementissime Deus, & quod pro Matre Monica fudit Augustinus, * fundo Tibi Deus noster lacrimarum genus, quod manat de concusso spirita consideratione periculorum omnis animæ, quæ in Adam moritur. Quamquam famulus tuus CHRISTIANVS in Christo viuificatus, etiam nondum carne resolutus, sic vixerit, vt laudetur nomen tuum in fide, moribusq. eius, non tamen audeo dicere, ex quo eum per Baptismum regenerasti, nullum verbum exisse ex ore eius contra præceptum tuum. Et dictum est à Veritate Filio tuo, si quis dixerit fratri suo fatue, Reus erit gehenne ignis. Et vt etiam laudabili vita hominum, si remota misericordia discutias eam. Quia verò non exquisitis delictis vehementer, fiducialiter speramus aliquem apud te locum inuenire Indulgentiæ. Ego itaque laus mea, & vita mea Deus cordis mei, sepositis paulisper bonis eius actibus, pro quibus tibi gaudens gratias ago, nunc pro peccatis famuli tui deprecor te, exaudi me per medicinam vulnerum nostrorum, quæ pependit in ligno, & sedens ad dexteram tuam interpellat pro nobis. Scio misericorditer operatum, & ex corde dimisisse Debita Debitoribus suis, dimitte illi, & tu debita sua, si qua etiam contraxit per tot annos post aquam salutis. Dimitte Domine, dimitte obsecro, ne intres cum eo in iudicium. Superexaltet misericordia iudicium, quoniam eloquia tua vera sunt, & promissisti misericordiam misericordibus. Quod vt essent, tu dedisti eis, qui miserereberis cui miserus fueris, & misericordiam tuam præstabis, cui misericors fueris,

fueris. Nemo à protectione tua dirumpat eum, non se interponat nec vi, nec insidia Leo: neque enim respondebit ille nihil se debere, ne convincatur, & obtineatur ab Accusatore callido, sed respondebit dimissa debita sua ab eo, cui nemo reddet, quod pro nobis non debens reddidit. Sit ergo in pace, & inspira Domine Deus meus, inspira seruis tuis fratribus meis, quibus & voce, & corde seruis, ut quotquot hac audierint, meminerint ad altare CHRISTIANI famuli tui: qui quidem vixit Auditores, & ego.

D I X I.

Epitaphium Defuncti manu scriptum recenter repertum.

HAeres peccati, naturâ filius iræ,
 Hic jaceo, dignus nomine reque Lupus;
 Indignus, non re, sed solo nomine Doctor,
 Verbis, non factis me docuisse fleo.
 Perdocuisse alios, & non docuisse seipsum,
 Quid iuvat? O! Mundi fumus, inane, nihil!
 Agne Deus, Patris doctrina, Redemptio Mundi;
 Nunc tibi prostratum commiserare Reum.
 Et Latro, & Meretrix grâtiâ tua Regna subintrant,
 Gratia peccatis fiat, & ista meis.

Et infra: Supplico sepeliri inter Fratres Laicos, quorum meritis diuina clementia dignetur me indignum adiungere.

